



Әленғали КЕРЕЙТЕГІ, Орал шаһарының құрметті азаматы:

- Ұзақ жыл түрлі салада лауазымды қызмет атқарған Әлібек Сәтбаев Ақжайық ауданының әкімі болған кезінде де жемісті еңбек етіп, абыройлы қызмет атқарды. Мен

Елекеңді 1997 жылдан бері білемін. Сол жыл бұрынғы Тайпақ ауданының халқы үшін ете ауыр жыл болды. Жайықтың қос қанатын жайлаған, өңірімізде алғашқы құрылған аудандардың бірі жабылды. Оған қараған сегіз кеңшар облыстық мәслихат сессиясының шешімімен Қаратөбе, Теректі, Индер, Чапаев аудандарына тарағылып, ту-талақай болатын хабарды естігеннен кейін, тайпақтықтар сендей соғылысып, есеңгіреп қалды. Наразылық танытқан жиындар жиі өтіп жатты. Төрт ауданға тарыдай шашылып кетпей, ең болмаса Чапаев ауданының қарамағына қосуды сұрап, халық жанұшырды, жанталасты, нақты ұсыныстарын айтып, дабыл қағып, нақты өрекеттерге көшті. Жоғарғы билік бұған да келіспей, жергілікті жұрт әбден сансырады. Дегенмен үзілді-кесілді қарсылық басылмады. Айнағанда халықтың орынды талабы ескерілді. Тайпақты Чапаев ауданына қосып, Ақжайық ауданы деп аталды. Осындай әліпара шақта Әлібек Байжанұлына да оңай болған жоқ. Ол осынау алмағайып кезеңде өзін тәжірибелі іскер басшы екенін көрсете білді. Уақыттың денін тараған аудан халқымен бірге өткізіп, халықтың мұң-мұқтажына ерекше көңіл бөлді. Әсіресе, тұрмысы төмен отбасыларға қолма-қол көмек ұйымдастырып, халықпен тығыз байланыста жұмыс істеуді қарауындағылардан талап етті. Ең бастысы, сол қиын жағдайда жұмыс істеген ауыл әкімдерін, барша басшы-қосшыны қиындықты бөлісіп, нәтижелі жұмыс істеуге бағыттап білді. Сол қиын кездерде түрлі сала басшыларының халықпен бірлесіп жұмыс істеуге міндеттегеніне куә болдық. Әлекеңнің тұла бойында күш-қайрат, ертеңге деген сенімділік, асып-тасып тұратын. Сол қуат-қарымын қарапайым адамдардың күнкөрісіндегі қиындықтар мен тапшылықтарын жоюға жұмсай білді.

Бірде Тайпақта бір жас келіншек егіз сәбиді өмірге әкелгенде, өз арнайы барып құттықтап, телевизор сыйлады. Сол жанұяға үнемі қамқорлық жасап, тұрмыстық жағдайына көмектесіп отыруды ауыл әкіміне тапсырған болатын. Енді бірде ауыл әкімдерін жинап алып, малы жоқ, тұрмысы төмен отбасыларға қаржының көзін іздестіріп, жәрдемдесу жөнінде тапсырма берді. Соған орай 37 отбасыға 92 ешкі лағымен сатып әпердік. Олар сол ешкілерді сауып, балаларын қоректендіріп, сүтін шайларын қатық етіп, тұрмыстарын бірте-бірте оңалтып, әкімге алғыстарын жаудырды. Қасына кәсіпкерлерді ертіп жүріп, күнелтісі қиын отбасыларды жиі аралап, оларға қолма-қол көмек ұйымдастыратын-ды. Тайпақ ауылында қанша қиын кезеңдер болса да, Жеңіс күнінде жыл сайын аламан бәйге ұйымдастырып тұрады. Әлібек Байжанұлы уақыт тауып, соған да қатысушы еді.

Жоғарыда айтылғандай, жан-жақты қамқорлықты сезінген тайпақтықтар ешқайда үдере көшпей, аудан, ауыл басшыларының нақты қамқорлығын сезініп, жылы орындарын сұытпады. Екі ауданның халқы бірлесіп, ортақ міндеттерді орындауға жұмыла еңбектенді. Сөйтіп, Әлекеңнің басшылығымен, жергілікті жұрт есін жиып «Бір жағадан бас, бір жеңнен қол шығарып» бүгінде ынтымағы жарасқан Жұбан елі Ақжайық ауданының мақтанышына айналған халық болып, ғұмыр кешуде. Чапаевтықтардан біз, бізден олар үлгі алысып, арамызда берік ағайындық, бауырластық, бірауыздылық, өзгелерге үлгі боларлық сыйластықпен келе жатқан жайымыз бар. Нәтижесінде ортақ табысқа жетіп, ел Президентінің тапсырма, бағдарламаларын орындауда үлкен күш-жігермен еңбектеніп, халқымыз қуанышқа кенелуде. Сол жақсылық жалғасын таба бергей. Әлекеңмен бірге жұмыс істеген Д. Жақсыбаев, М. Жұматов, Ғ. Садыров тағы да басқа басшылық қызмет атқарған жерлестерімізге Жұбан елінің халқы дән риза.



Ержан КАБДОЛЛИН,
Алғабас ауылдық округінің бұрынғы әкімі, еңбек ардагері, Ақжайық ауданы:

- Әлібек Байжанұлы Ақжайық ауданын басқарған кезде мен Алғабас ауылдық округінің әкімі ретінде ол кісімен қызметтес болдым. Бұл еліміздің өз тізгіні өз қолына тиген кезең болатын. Елде жаппай жұмыссыздық, зейнетақы, еңбекақы пәленбай айлап кешігіп, тұрғындардың тұрмыс деңгейі қатты төмендеген өте күрделі кезең еді. Міне, осы уақытта Әлібек Байжанұлының біліктілігі, пайым-парасаты, ұйымдастырушылық қабілеті, елмен етене байланысы, яғни тынымсыз еңбегі айқын көрінді. Соның нәтижесінде аудан жұртшылығының болашаққа деген, басшыға деген сенімі артты.

Кісілігі мен кішілігі қатар ұстап қарауындағы қызметкерлерді, басқа да әріптестерін өзімен тең деңгейде қарап, олардың пікірімен сана-сып жасаған жұмыс, шүкір, жемісті, нәтижелі болды. Сәтбаевтың төкәп-парлығы жоқ, лаңдық көрсетпеген, ешкімнің сағын сындырмаған, ешкімге қылдай қиянат жасамаған көреген басшы болғанына бүкіл аудан жұртшылығы куә.

Ол ауданның елді мекендерін аралаған кезде тұрғындардың жағдайымен танысып, кездескен қиындықтардың уақытша екенін түсіндіріп, олардың ұсыныс-пікірлерін мұқият тыңдайтын. Шаруа айтып келген кісінің мәселесін мүмкіндігінше оңтайлы шешуге ұмтылатын. Әлекең қаржы-қаражат бейнелеп айтқанда, басқа тартсаң аяққа, аяққа тартсаң басқа жетпейтін сол жылдары біздің округ тұрғындарының өтініштерін ескеріп, Жаңаөлке орта мектебін орта мектепке айналдырып, Тоған ауылында жаңадан кітапхана ашып, округке табиғи газ құбырын тарту үшін жобалау-сметалық құжаттарын даярлатқан еді. Мұндай жұмыстар аудан аумағында бірте-бірте қарқынды жүргізіліп, халықтың жағдайы біртіндеп жақсара түсті. Осылайша Әлібек Байжанұлы Ақжайық ауданының әлеуметтік-экономикалық тұрғыдан үздіксіз ілгерілеп, біздің өңірдің іргелі аудандарының біріне айналуына жылдар бойы жүйелі үлес қосумен болды. Ол жігерлі кісімен, іске алымды, сөзге шалымды, ертеңі оза ойлайтын, жұмысына жауапкершілікпен қарайтын қарапайым адами қасиеттерімен жадымызда өмір бойы сақталады.

ҚАЗАҚСТАН РЕСПУБЛИКАСЫ СУ РЕСУРСТАРЫ ЖӘНЕ ИРРИГАЦИЯ МИНИСТРЛІГІНІҢ СУ ШАРУАШЫЛЫҒЫ КОМИТЕТІ

ММ 2026 жылғы 03 сәуірден бастап 10 сәуірге дейін ndbecology.gov.kz ақпараттық жүйесінде жұмыс жобасының «**Батыс Қазақстан облысы Жаңақала ауданының Орал-Көшім суландыру және су құбыры жүйесінің Сәңкібай магистральдық каналын қайта жаңғырту**» және «**Батыс Қазақстан облысы, Жаңақала ауданы, Айдархан магистральдық каналын қайта жаңғырту**» қоршаған ортаны қорғау бөлімі бойынша қоғамдық талқылау түрінде қоғамдық тыңдаулар өтетіні хабарлайды. 2026 жылдың 28 сәуірінде «**Батыс Қазақстан облысы Ақжайық ауданы Бітік су қоймасын қайта жаңғырту**» ҚОӘБ бойынша ашық отырыстар түрінде тыңдаулар өтеді. Жобалық құжаттамалар пакеті ескертулер мен ұсыныстар үшін Қоршаған орта және табиғи ресурстардың ұлттық деректер қорының (ndbecology.gov.kz) веб-сайтында жүктелді.

Жоспарланған қызметтің бастамашысы: Қазақстан Республикасы Су ресурстары және ирригация министрлігінің су шаруашылығы комитеті РММ Астана қаласы, Есіл ауданы, Мәңгілік ел даңғылы, 8 Министрліктер үйі әкімшілік ғимараты, эл.пошта: kense-kvh@minsu.gov.kz, телефон: 8 (7172)74-11-39.

Бас жобалаушы: «Уралводпроект» ЖШС, БҚО Орал қ., Х. Чурын к-сі, 119 Н1 эл.пошта urwodpr@mail.ru телефон: 8 (7112) 53-51-64.

«Қазушар» РМҚ Батыс Қазақстан филиалы қолданыстағы «Шаған су қоймасының гидротехникалық тірегіш ғимараттары арқылы жер үсті ағынын» реттелетін қызметі бойынша тарифтік сметаға оның қолданылу мерзімі аяқталғанға дейін өзгерістер енгізілетіні туралы хабарлайды.

Кәсіпорын уәкілетті орғанға 4,51 теңге/м³ мөлшеріндегі орташа босату тарифінің жобасымен өтіні берді.

Енгізілген өзгерістерге байланысты 2026 жылғы 1 сәуірден бастап жаңа тарифтер қолданысқа енгізіледі.

«ORAL ONIRI» Батыс Қазақстан облыстық қоғамдық-саяси газеті. 090000, Орал қаласы, Мұхит көшесі, 57/1. E-mail: oral_oniri@inbox.ru

Меншік иесі: «Жайық Пресс» ЖШС

Бас директор Дархан ОРАЗОВ

Редакция алқасы:
Бас редактор Бауыржан ҒУБАЙДУЛЛИН
Нұртай ТЕКЕБАЕВ,
Гүлсезім БИЯШЕВА
(бас редактордың орынбасарлары)

Жаннат ЕСПОЛАЕВА (жауапты хатшы)

Бас директордың қабылдау бөлмесі 50-30-14.
Бас редактор 51-25-80.
Бас редактордың орынбасарлары 54-18-08.
Жауапты хатшы 54-38-22.
Жарнама қабылдау тел./факс: 51-51-09.
Эл. пошта: zhaiqpress-reklama@mail.ru
Бухгалтерия 54-04-90.

Редакция авторлар мақаласы мен жарнама мазмұнына жауап бермейді.
Қолжазбаларға пікір айтылмайды және пайдаланылмаған хат авторларына жауап қайтарылмайды.
Деректердің дәлдігі үшін автор жауапты. Жарияланым авторларының пікірлері редакция көзқарасын білдірмейді.
Редакция тапсырысмен жазылмаған материалдар үшін қаламақы төленбейді. «Орал өңірінде» жарияланған материалдарды сілтемесі көшіріп басуға болмайды. Мақалалар электрондық нұсқада қабылданады.
© Белгісізмен жарияланған материалдар ақылы болып есептеледі.

Газет облыстық «Oral oniri» газеті редакциясының компьютерлік орталығында теріліп, беттелді.
«Хабар-Сервис» ЖШС баспаханасында басылды.
Ақтөбе қаласы, Т. Смағұлов көшесі, 9/2.
Телефон: 8 (7132) 400-400, 8(7132) 545-545.
Индекс: 65428. Осы нөмірдің таралымы: 9175
4 баспа табақ, Газет атына екі рет шығады.

Корректорлар: Н. СҰЛТАНОВА,

А. ШОҢЫРАЕВА

Кезекші редактор: Я. РАБАЕВА

Газет ҚР Ақпарат және Қоғамдық даму министрлігінің Ақпарат қолжетпейтін 2023 жылғы 19 қыркүйектегі шешімімен №КЗ249/00070442 куәлігі берілген

